

A C A D E M I A P R O I N T E R L I N G U A

Praesidente: Prof. G. PEANO - Cavoretto - TORINO.

Directore - thesaurario: Ing. G. CANESI, Via Costigliolo, 1, TORINO.

Ad socios, ad fautores
de lingua auxiliare internationale INTERLINGUA.

Programma de "Academia pro Interlingua" es vario et importante:
Publicatione, ut supplemento ad vocabularios jam impresso, de raro vocabulos cum origine non latino sed de usu internationale.
Versione in IL. de publicationes scientifico, commerciale, de sport, etc.
Versione in IL. de conventiones, de tractatus, de codices internationale.
Impressione de chartas postale cum illustratione et descriptione de operas artistico, de monumentos, de res notabile, etc.
Impressione de guida historico-artistico-commerciale de regiones, de urbes, de muscos, de sedes climatico, balneario, etc.
Impressione de vocabularios interlingua-lingua nationale et viceversa, nunc non edito.
Institutione in singulo natione de circulos interlinguistico, de revistas, de catalogos, etc.
Etc.....

Academia attende ab socios et fautores assiduo cooperatione morale et materialc, consilio, critica benevolente.